



SLUŽBENE NOVINE

KANTONA SARAJEVO

Godina XVIII – Broj 51

Utorak, 31. decembra 2013. godine
SARAJEVO

ISSN 1512-7052

KANTON SARAJEVO

Skupština Kantona Sarajevo

Na osnovu člana 18. tačka b) u vezi sa članom 39. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04 i 6/13), Skupština Kantona Sarajevo, na sjednici održanoj dana 23.12.2013. godine, donijela je

ZAKON

O PLATAMA I NAKNADAMA ČLANOVA ORGANA UPRAVLJANJA I DRUGIH ORGANA KANTONALNIH JAVNIH PREDUZEĆA

DIO PRVI - OSNOVNE ODREDBE

Član 1.

(Predmet Zakona)

Ovim zakonom ureduju se plate i naknade članova organa upravljanja i drugih organa kantonalnih javnih preduzeća.

Član 2.

(Javno preduzeće)

Kantonalno javno preduzeće, u smislu člana 1. ovog zakona, je javno preduzeće čiji je osnivač Kanton Sarajevo (u daljem tekstu: javno preduzeće).

Član 3.

(Organ upravljanja i drugi organ)

- Pod organima upravljanja javnog preduzeća podrazumijevaju se skupština, nadzorni odbor i uprava, koju čini direktor i izvršni direktor, u skladu sa odredbama Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10 i 75/13) i Zakona o javnim preduzećima u Federaciji Bosne i Hercegovine ("Službene novine Federacije BiH", br. 8/05, 81/08, 22/09 i 109/12).
- Pod drugim organom javnog preduzeća podrazumijeva se odbor za reviziju, odnosno drugi organ utvrđen zakonom, osnivačkim aktom i statutom javnog preduzeća.

Član 4.

(Materijalna prava)

Materijalna prava koja se ureduju ovim zakonom su: plata članova uprave i naknada predsjedniku i članovima skupštine, nadzornog odbora, odbora za reviziju, odnosno drugog organa javnog preduzeća i stimulacija, odnosno destimulacija za rezultate poslovanja preduzeća.

DIO DRUGI - JAVNA PREDUZEĆA

Član 5.

Mjesečna plata direktora i izvršnog direktora javnog preduzeća)

- Osnovna mjesečna neto plata direktora i izvršnog direktora javnog preduzeća može biti utvrđena najviše u iznosu do tri (3) prosječne mjesečne neto plaće isplaćene u Federaciji Bosne i Hercegovine u prethodna tri mjeseca, prema posljednjem objavljenom podatku Federalnog zavoda za statistiku.
- Osnovna mjesečna plata članova uprave iz stava (1) ovog člana reguliše se ugovorom o radu koji se zaključuje na period imenovanja.
- Na direktora i izvršnog direktora primjenjuju se odredbe zakona i kolektivnih ugovora koji se odnose na uvećanja plate po osnovu penzijskog staža, dodatke na platu i naknade po osnovu rada.

Član 6.

(Stimulacija)

- (1) Na osnovu izvještaja o radu i poslovanju preduzeća, direktoru i izvršnom direktoru za smanjenje negativnog poslovanja, odnosno za pozitivno poslovanje preduzeća u odnosu na zatečeno stanje, može se uvećati plata iz člana 5. ovog zakona do 30% od osnovne plate. Ovo uvećanje se odnosi na period do podnošenja narednog izvještaja o radu i poslovanju preduzeća, a ne duže od jedne godine.
- (2) Odluku o uvećanju plate i procentu uvećanja plate iz stava (1) ovog člana donosi skupština javnog preduzeća uz prethodnu pisanu saglasnost ministra resornog ministarstva.

Član 7.

(Destimulacija)

- (1) Na osnovu izvještaja o radu i poslovanju preduzeća, direktoru i izvršnom direktoru u slučaju održavanja negativnog poslovanja, odnosno povećanja negativnog poslovanja preduzeća ili smanjenja pozitivnog poslovanja u odnosu na zatečeno stanje, može se smanjiti plata iz člana 5. ovog zakona do 30% od osnovne plate. Ovo smanjenje se odnosi na period do podnošenja narednog izvještaja o radu i poslovanju preduzeća, a ne duže od jedne godine.
- (2) Odluku o smanjenju plate i procentu smanjenja plate iz stava (1) ovog člana donosi skupština javnog preduzeća uz prethodnu pisanu saglasnost ministra resornog ministarstva.

Član 8.

(Mjesečna naknada za rad predsjednika i člana skupštine, nadzornog odbora, odbora za reviziju, odnosno drugog organa javnog preduzeća)

- Mjesečna naknada za rad predsjednika: skupštine, nadzornog odbora, odbora za reviziju, odnosno drugog organa javnog preduzeća može biti utvrđena najviše do 50% prosječne neto plate isplaćene u Federaciji Bosne i Hercegovine u prethodna tri mjeseca, prema posljednjem objavljenom podatku Federalnog zavoda za statistiku, pod uslovom da je u tom mjesecu održana minimalno jedna sjednica.
- Za članove: skupštine, nadzornog odbora, odbora za reviziju, odnosno drugog organa javnog preduzeća, mjesečna naknada može biti utvrđena najviše do 40% prosječne neto plate isplaćene u Federaciji Bosne i Hercegovine u prethodna tri mjeseca, prema posljednjem objavljenom podatku Federalnog zavoda za statistiku, pod uslovom da je u tom mjesecu održana minimalno jedna sjednica.
- Mjesečna naknada za rad predsjednika i člana: skupštine, nadzornog odbora, odbora za reviziju i drugog organa javnog preduzeća reguliše se ugovorom o djelu, koji se zaključuje na period imenovanja.

DIO TREĆI - KAZNENE ODREDBE

Član 9.

(Prekršaji i kazne)

- Novčanom kaznom u iznosu od 5.000,00 KM do 15.000,00 KM kazniće se za prekršaj pravno lice ukoliko zaključi ugovor o radu, odnosno ugovor o djelu, suprotno odredbama čl. 5. i 8. ovog zakona.
- Novčanom kaznom u iznosu od 1.500,00 KM do 2.500,00 KM kazniće se odgovorno lice u pravnom licu za prekršaj iz stava (1) ovog člana.

DIO ČETVRTI - NADZOR I PRELAZNE I ZAVRŠNE ODREDBE

Član 10.

(Nadzor)

- (1) Nadzor nad zaključivanjem ugovora iz člana 5. ovog zakona vrši nadležna kantonalna inspekcija rada.
- (2) U ostalom dijelu zakona, nadzor nad provođenjem vrše nadležna resorna ministarstva, svako u okviru svoje nadležnosti.

Član 11.

(Usklađivanje opštih akata i ugovora)

- (1) Javna preduzeća na koje se odnose odredbe ovog zakona dužna su uskladiti svoje opšte akte iz oblasti radnih odnosa i ugovore o angažmanu zaključene sa članovima organa upravljanja i drugih organa sa odredbama ovog zakona, najkasnije u roku od 90 dana od dana stupanja na snagu ovog zakona.
- (2) Odluka o osnivanju skupština javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09, 22/11 i 1/13) uskladiti će se sa ovim zakonom u roku od 30 dana od dana stupanja na snagu ovog zakona.

Član 12.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-32496/13 Zamjenik predsjedavajuće
23. decembra 2013. godine Skupštine Kantona Sarajevo
Sarajevo Kemal Ademović, s. r.

Na osnovu člana 18. tačka m) Ustava Kantona Sarajevo ("Službene novine Kantona Sarajevo", br. 1/96, 2/96, 16/97, 14/00, 4/01, 28/04 i 5/13), člana 8. Zakona o imovini Kantona Sarajevo ("Službene novine Kantona Sarajevo", br. 6/97, 9/98 -

Presude Ustavnog suda Federacije Bosne i Hercegovine i 5/10 - Presuda Ustavnog suda Federacije Bosne i Hercegovine) i člana 119. Poslovnika Skupštine Kantona Sarajevo ("Službene novine Kantona Sarajevo", br. 41/12 - Drugi novi prečišćeni tekst i 15/13), Skupština Kantona Sarajevo, na nastavku 6. Hitne sjednice održane dana 23.12.2013. godine, donijela je

ODLUKU

O DAVANJU SAGLASNOSTI KJKP GRAS D.O.O. SARAJEVO ZA UPIS HIPOTEKE NA NEKRETNINE U VLASNIŠTVU I UPIS ZALOŽNOG PRAVA NA POKRETNIM STVARIMA RADI ZAKLJUČIVANJA SPORAZUMA SA POREZnom UPRAVOM FBiH A KAO GARANCIJA ZA PLAĆANJE DUGA ZA JAVNE PRIHODE

I

Daje se saglasnost KJKP GRAS d.o.o. Sarajevo za upis hipoteke na nekretnine u vlasništvu radi zaključivanja Sporazuma sa Poreznom upravom FBiH a kao garancija za plaćanja duga za javne prihode u iznosu od cca 9.500.000,00 KM, kako slijedi:

Remiza: zgrada arhiva i magacin kuhinje upisana u ZK br. 282 KO SP DOLAC, Sarajevo, označena kao k.č. broj 528/20, površine 112 m², čija je ukupna procijenjena vrijednost 205.857,46 KM.

Magacin i radionica upisana ZK br. 282 KO SP DOLAC, Sarajevo, označena kao k.č. broj: 527/2, površine 668 m², čija je ukupna procijenjena vrijednost 935.522,54 KM.

Servisna radionica upisana u ZK br. 282 KO SP DOLAC, Sarajevo, označena kao k.č. broj: 531/6, površine 1153 m², čija je ukupna procijenjena vrijednost 3.211.155,39 KM.

Zemljište ispod zgrade, hangar i kancelarije upisano u ZK br. 6755 KO SP DOLAC, označeno kao k.č. broj 528/11, površine 805 m², čija je ukupna procijenjena vrijednost 1.561.958,44 KM.

Zgrada tehnički pregled ZK br. 8542 KO SP DOLAC Sarajevo označeno kao k.č. broj: 530/1, površine 867 m², čija je ukupna procijenjena vrijednost 2.663.675,65 KM.

Električna podstanica jezero - stambeno poslovna zgrada upisana u ZK br. 382 KO SP DOLAC Sarajevo označena kao k.č. broj: 486/10, površine 906 m², čija je ukupna procijenjena vrijednost 982.002,09 KM.

Zemljište elektrovučne podstanice, II Elektrovučna podstanica upisano u ZK br. 1282 KO SP DOLAC MAHALA LIII Sarajevo, označena kao k.č. broj: 603, površine 284 m² čija je ukupna procijenjena vrijednost 1.407.420,50 KM.

II

Daje se saglasnost KJKP GRAS d.o.o. Sarajevo za upis založnog prava na pokretnim stvarima u vlasništvu radi zaključivanja Sporazuma sa Poreznom upravom FBiH a kao garancija za plaćanje duga za javne prihode u iznosu od cca 9.500.000,00 KM, kako slijedi:

- Oprema u podstanici Jezero, čija je ukupna procijenjena vrijednost 1.900.300,00 KM i koja je taksativno navedena u Nalazu sudskog vještaka od 06.12.2013. godine.

III

Ukupna vrijednost nepokretnih i pokretnih stvari na kojima će se zasnovati hipoteka i založno pravo iz članova I i II ove odluke iznosi 12.867.892,02 KM.

IV

Zadužuje se Preduzeće da nakon odobravanja i potpisivanja Sporazuma sa Poreznom upravom FBiH dostavlja Skupštini i Vladi Kantona Sarajevo kvartalno izvještaje o izmirivanju obaveza u skladu sa ovim Sporazumom.